

# 醒梦辩论歌 原文及科判

## 醒梦辩论歌·幻乐众音

全知麦彭仁波切 造

智圆法师 译

喻索德！（愿吉祥！）

稽首文殊大圣尊，至心礼已宣此言。

昨夜梦中美妙境，今朝所遇显现法，

二者最初同等生，二者最终同等灭，

梦执梦现以为实，醒执醒现方为真。

醒梦今辩谁为真。

夸大显现醒者言，梦汝现者是迷乱。

纷纭幻变梦反诘，非仅我迷汝亦乱！

我醒不迷有明证，现前显现故真实。

梦者如实回彼言，梦亦有此故不定！

今无此故谓决定。来日无此故不定！

吾现量见故决定。吾亦见此故不定！

此则坚久谓决定。历时长短谁亦有！

梦里瞬间穿山过，醒能如此谓汝真。

今能聚缘亦如是，无缘梦中亦不能！

梦中无缘亦能现。何故不能恒如此！

汝梦亡亲仍具情，曾无子侄亦有生，

我则无有如此事。以有非能成立有，

汝醒子等何故有？

昔人已逝可复生，无者亦可现为有，

于汝虽有现今无。于汝已亡我则见，

于汝为无我有生，汝无我有本平等！

梦中虽享天肴膳，晨醒非能除饥渴。

昼于妙宫安然寝，至夜不遮梦雨淋！

彼无实义自迷现。醒时饥等亦妄现！

梦境醒时知为假，梦里岂知醒见假！

梦能暴露醒见假，醒于梦现有何害？

尔后智慧大法官，派遣妙慧审判员，

告于争论双方言，倘若如此而宣说，

虽有多言量已足，我于汝二作裁决。

汝二亦真亦虚假，未察各于自位真，

察则一过为一揭，实际平等无差别。

汝二虽然悉不真，梦迷许迷性正直，

醒汝迷乱说不迷，固执不舍当惩治。

梦虽愚迷然正直，醒虽精明反更愚，

坚与不坚由习因，二者自果则无异。

汝今跟随梦者后，彼此见行应合一，

言讫念绳系醒者，交付梦手不许离。

汝二莫争应和合，违成三千破败魔，  
和为三世引导师，知此彼此悉获益。  
此后双双知无别，见谁遇谁同等作，  
从此二者争论息，二心所缘转成一。  
集诸同类异类语，无有定规唱一曲：  
不同不同众人说，同等同等彼有错，  
如是同等同等义，说尚鲜少知更稀。  
知于醒义皆同等，夜时亦等无错谬，  
此义极要然愚思，似成交错而显现。  
今以幻化王教言，不徒虚言观察义，  
我二接触戏乐中，未食而尝甜蜜味，  
未饮而品醉人舞，未排而赏奇妙戏，  
再无胜此关要矣，诸位心中将此记。  
此后二者融为一，一亦融入虚空里。

随后妙慧审判员，呈禀慧王此结局。

王心欢喜笑呵呵，汝擅调和之风规，

从今乃至虚空际，如鹏展翅自在飞，

无畏虚空此王政，交付于汝善守持！

虚空花园此境中，风吹淳蜜纷飘降，

食兮食兮此行去，何时亦无穷尽矣！

彼处贤美石女女，悦意称心而嬉戏，

无老春妃赐予你，与伊融合享妙乐，

以接触彼之喜乐，所有三有之安乐，

犹如甘露前呕物，于彼贪执当松矣！

如是言彼亦行彼，将与慧王融一体。

此等经验双关语，察则易解不察难，

思则义大不思小，大喜乐地德者造！